



MEMORIA XUSTIFICATIVA E ECONOMICA DA S.A. DE XESTION DO PLAN XACOBEO RELATIVA AO CONVENIO DE COLABORACIÓN COA ASOCIACIÓN AMIGOS DEL CAMINO DE SANTIAGO EN ÁVILA.

PRIMEIRO.-

1.- Constitúe o obxecto da Sociedade, entre outras as seguintes actividades

- As relacións coas asociacións de amigos do Camiño de Santiago.
- A coordinación de actuacións específicas relacionadas coa cultura xacobeá, en especial, as exposicións, así como a execución das encomendas de xestión que se poidan realizar nestas materias.

A S. A. de Xestión do Plan Xacobeo considera esencial e imprescindible o labor das Asociacións de Amigos do Camiño de Santiago en orde a potenciar os itinerarios xacobeos, a información aos peregrinos, os programas de voluntariado como hospitaleiros nos albergues, a promoción da cultura xacobeá e todo aquilo que redunde en beneficio do Camiño de Santiago e dos peregrinos.

O Camiño de Santiago reúne unha rica experiencia histórica e a vivencia intercultural contemporánea nun excepcional escenario natural, patrimonial e humano. Ao longo dos séculos o Camiño de Santiago consolidou unha amplísima rede de itinerarios que abrangue toda Europa e España e que ten como meta a Catedral de Santiago de Compostela, en definitiva Galicia.

Que a Asociación Amigos del Camino de Santiago en Ávila ten entre os seus fins:

-Potenciar e coordinar a labor en orde a revitalización, defensa, conservación investigación e protección do medio ambiente e potenciación do patrimonio histórico e cultural dos Camiños de Santiago.

-Fomentar toda clase de Camiños e Itinerarios Culturais.

-Atender, informar e formar aos peregrinos.

-Promover o voluntariado social: formando Hospitaleiros voluntarios, para atender os Albergues de Peregrinos; formando persoal para a limpeza, mantemento, conservación e mercado dos Camiños e Itinerarios Culturais.

-Integrar a cantas persoas estén interesadas na conservación, defensa e promoción do Camiño de Santiago, sen outros límites que os establecidos pola Lei.

-Fomentar a peregrinación a Santiago de Compostela, seguindo o Camiño do Levante-Sureste.

-Fomentar a conservación, defensa e promoción do Camiño de Santiago.

Entre as diversas actuacións que promoven está a información e apoio aos peregrinos, tanto da provincia de Ávila como os que percorren o Camiño; promoción e realización de estudos e investigacións sobre o Camiño de Santiago e a súa contorna así como todo tipo de actividades culturais; formación para persoal voluntario para os albergues



de peregrinos; atención á instalacións e institucións dedicadas especialmente á axuda aos peregrinos mediante a colaboración na creación de albergues e refuxios, etc.

A Asociación de Amigos del Camino de Santiago en Ávila aprobou na súa Asemblea Xeral de Socios de novembro pasado o seguinte programa de actividades de promoción e difusión do Camiño

- a/ Edición da revista "Stellae, (xullo/16) que pretende recoller as noticias relacionadas coa cultura xacobeas na provincia de Ávila.
- b/ Ciclo de conferencias sobre o Camiño de Santiago dirixido á poboación abulense (2 días consecutivos no mes de outubro).
- c/ VI edición do Concurso Literatura Epistolar "Cartas dende o Camiño de Santiago".
- d/ II Concurso de fotografías referidas ao Camiño de Santiago (xullo/16).

Con estas actividades a Asociación, pretende unha maior visualización do Camiño e da cultura xacobeas, en consecuencia, de Galicia, pois o Camiño de Santiago é un conxunto de itinerarios históricos de impacto cultural e económico de primeiro orde cuxa meta, en todos os casos, é Galicia. Polo tanto estas actividades fomentarán o propio Camiño e a súa difusión.

A colaboración iniciada no ano 1992 pola S.A. de Xestión do Plan Xacobeo para a difusión das rutas xacobeas coas Asociacións de Amigos do Camiño de Santiago, instaladas tanto dentro coma fóra do territorio galego converteuse, co paso dos anos, nunha ferramenta imprescindible para fomentar a chegada de peregrinos que, á súa vez, impulsan o desenvolvemento económico e social de Galicia. Estas entidades son as principais prescriptoras e informadoras dos futuros peregrinos, distribuindo cada ano, nos cinco continentes, milleiros de credenciais, folletos informativos, etc., que teñen en todos os casos a Galicia como meta. Como é fácil comprobar en decenas de webs e redes sociais realizan estas accións sen custe para a nosa Comunidade Autónoma, maila concentrarse aquí os tramos finais de todas as vías xacobeas e a meta das mesmas.

Manter esta colaboración coas Asociacións do exterior de Galicia é fundamental para asegurar o fluxo de peregrinos xa que o espazo físico do Camiño, tanto na historia como no presente, ten unha dimensión que transcende o ámbito galego, español e europeo. Así queda acreditado no número de peregrinos que cada ano acoden a Compostela.

Por todo o descrito, as referidas actuacións que se desenvolverán dentro do ámbito de vixencia deste Convenio, encaixan no marco das relacións coas Asociacións de Amigos do Camiño de Santiago que ten encomendadas esta Sociedade Anónima, non sendo posible promover a concorrência pública, dada a especificidade do programa e a natureza da Asociación única no seu ámbito territorial.

Ademais este convenio cumpre cos criterios obxectivos de selección sinalados no Plan Estratéxico, en concreto:

a/ criterios xerais

- É un proxecto tecnicamente completo, pois a documentación que se achega xustifica suficientemente a súa formulación.
- O proxecto é viable, tanto en termos de execución económica como social.
- Realízase a difusión e promoción do Camiño de Santiago
- Na medida do posible contempla a difusión dos resultados acadados ante a opinión pública, contribuíndo deste xeito ao labor de sensibilización ao redor do Camiño de Santiago.
- A Asociación conta cunha ampla experiencia que garante a súa capacidade técnica, organizativa e de xestión para levar a cabo o proxecto a realizar.
- O apoio a esta Asociación redonda de maneira efectiva na conservación, recuperación e difusión do Camiño de Santiago e da cultura xacobeas especialmente na provincia de Ávila, pois estas labores as desenvolve periodicamente.

b/ criterios específicos:

- A Asociación de Amigos del Camino de Santiago en Ávila posúe un número socios ao redor de dous centenares de persoas espalladas na cidade de Avila e en numerosas localidades da provincia abulense.
- A implantación da Asociación no territorio da provincia de Ávila conleva que este colectivo xestione un amplo tramo do Camiño do Sureste que comeza en Alicante. O seu labor de conservación e sinalización do Camiño nese territorio é amplamente recoñecido, así como o seu traballo na xestión dos albergues de Ávila e Gotarrendura, e o apoio a outras iniciativas de acollida como na vila de Cebreros.
- Neste ano 2016 a asociación organiza a oitava edición destas xornadas do Camiño de Santiago que acredita un traballo continuado no tempo e en progresión.
- Esta Asociación co seu amplo labor e coas súas numerosas actividades contribúe notablemente ao incremento do fluxo de peregrinos desa provincia e por extensión da Comunidade Autónoma de Castela e León.

O orzamento da actividade a financiar ao abeiro deste convenio é o seguinte:



Concepto	Importe
Edición da revista "Stellae" (xullo/16) incluíndo a edición, maquetación, imprenta e gastos correos e distribución	350,00
Ciclo de conferencias sobre o Camiño de Santiago (2 días consecutivos no mes de outubro), que inclúe os gastos de aloxamento, manutención e desprazamento de conferenciantes	270,00
Importe dos Premios Concurso Literatura Epistolar "Cartas dende o Camiño de Santiago" (primeiro e segundo)	500,00
Importe dos Premios II Concurso de fotografía (primeiro e segundo)	300,00
Total (Ive incluído)	1.420,00

A S.A. de Xestión do Plan Xacobeo aboará a cantidade de 950,00 euros coa finalidade de ser atendidos parte dos gastos xerados con cargo aos orzamentos do ano 2016 e na conta contable 627 que se distribuirán segundo o exposto anteriormente. A achega so cubrirá o custe para o desenvolvemento das actividades sen que a Asociación poida obter beneficio algún polo mesmo.

A través deste convenio de colaboración establécese unha achega monetaria sen contraprestación da S.A de Xestión do Plan Xacobeo, o que se axusta á figura xurídica privada da doazón modal e que debe suxeitar aos principios de xestión contidos no artigo 5.2 e aos de información a que fai referencia o artigo 16, ao abeiro do disposto no artigo 3.2 da Lei 9/2007, do 13 de xuño, de subvencións de Galicia.

Así mesmo, e como quedou exposto máis arriba, a subscripción deste convenio e a achega que con él se obriga a realizar a S.A. de Xestión do Plan Xacobeo garda relación directa co obxecto da actividade contido nos seus estatutos.

En Santiago a 10 de outubro de 2016

Rafael Sánchez Bargiela
Director-Xerente